

7. gr.

Reglugerð þessi er sett með heimild í lögum nr. 17/1991, með síðari breytingum, og öðlast gildi 1. janúar 1997.

*Iðnaðarráðuneytinu, 17. desember 1996.*

F. h. r.

**Halldór J. Kristjánsson.**

---

*Jón Ögmundur Þormóðsson.*

Nr. 680

20. desember 1996

## REGLUR

**um úthlutun styrkja úr Atvinnuleysistryggingasjóði árið 1997  
til átaksverkefna á vegum sveitarfélaga.**

### I. KAFLI

#### Almenn ákvæði.

1. gr.

Á árinu 1997 er stjórn Atvinnuleysistryggingasjóðs heimilt að styrkja sérstök verkefni á ábyrgð sveitarfélaga til eflingar atvinnulífi í samræmi við reglur þessar.

Reglur þessar ná ekki til styrkja skv. 37. gr. laga um atvinnuleysistryggingar.

2. gr.

#### *Fjárhæð styrkja.*

Hámarksfjárhæð styrks skal vera jafnhá þeim atvinnuleysisbótum og lífeyrissjóðs-greiðslum, sem ella hefðu verið greiddar þeim einstaklingum sem falla af atvinnuleysisskrá vegna þátttöku í verkefninu, þó þannig að ef hlutaðeigandi einstaklingur á bótarétt á bilinu 25-50% þá greiðast hálfar bætur og fullar bætur ef hlutaðeigandi á bótarétt á bilinu 51-100%, enda sé hann ráðinn í fullt starf.

Annar kostnaður við verkefnið, svo sem launakostnaður umfram atvinnuleysisbætur, þ.m.t. launatengd gjöld, efniskostnaður, stjórnunarkostnaður, kostnaður við eftirlit og umsýslu, skipulagningu og undirbúning, skal borinn af viðkomandi sveitarfélagi eða vera á ábyrgð þess.

3. gr.

#### *Almenn skilyrði.*

Til að verkefni teljist styrkhæft þarf það að uppfylla eftirtalin skilyrði:

1. Vera til að fjölga atvinnutækifærum, við sem flestra hæfi.
2. Vera unnið hjá sveitarfélagi eða þriðja aðila. Sveitarfélagi er ekki heimilt að fela öðrum, svo sem verktaka, að sjá um framkvæmd verkefnis fyrir sig. Ef verkefni er unnið hjá þriðja aðila skal sveitarfélag gefa umsögn um umsókn hans og bera ábyrgð á verkefninu með þeim hætti að það skal hafa eftirlit með að framkvæmd þess sé í samræmi við þær áætlanir sem þriðji aðili lagði fram.
3. Vera skýrt afmarkað og tímabundið. Verkefnið skal að jafnaði ekki ná yfir lengri tíma en sex mánuði og skal unnið í einu lagi.
4. Nota vinnuafli á atvinnuleysisskrá í viðkomandi sveitarfélagi. Þeir sem lengst hafa verið á atvinnuleysisskrá skulu hafa forgang að starfi við verkefni. Þó getur verið um að ræða verkefni með störfum fyrir tiltekna hópa atvinnulausra þar sem tekið er tillit til félagslegra aðstæðna. Sömuleiðis er heimilt að víkja frá skilyrði um forgang eftir lengd atvinnuleysis ef um er að ræða verkefni sem krefst sérhæfðs starfskrafts.

Verkefni við atvinnusköpun fyrir fólk sem ekki á bótarétt úr Atvinnuleysisstryggingasjóði, eru ekki styrkhæf.

## II. KAFLI

### Styrkhæf verkefni.

#### 4. gr.

##### *Tímabundin verkefni umfram venjuleg umsvif.*

Heimilt er að veita styrki til að atvinnulausir einstaklingar verði ráðnir hjá sveitarfélögum og ríkisstofnunum til sérstakra tímabundinna verkefna umfram venjuleg umsvif. Hefðbundin verkefni sveitarfélaga, svo sem gatna- og lóðahreinsun, gatna- og holræsagagnir, viðhald og viðgerðir eigna sveitarfélagsins, eru ekki styrkhæf, nema um sérstakt tíma- og staðbundið verkefni sé að ræða.

#### 5. gr.

##### *Verkefni fyrir námsmenn og fólk með skerta starfsorku.*

Heimilt er að styrkja sérstök verkefni sem ætluð eru námsmönnum, einkum námsmönnum sem lokið hafa námi og komast ekki á vinnumarkað vegna atvinnuástands, enda njóti þeir bótaréttar. Enn fremur sérstök verkefni sem ætluð eru fólki með skerta starfsorku sem nýtur bótaréttar.

#### 6. gr.

##### *Styrkir til atvinnulausra einstaklinga til eigin reksturs.*

Heimilt er að styrkja atvinnulausa einstaklinga til að hleypa af stokkunum eigin viðskiptahugmynd með þeim hætti að þeir haldi atvinnuleysisbótum meðan látið er á það reyna að hugmyndin sé framkvæmanleg, enda verði starfsemin ekki í beinni samkeppni við annan atvinnurekstur.

#### 7. gr.

##### *Varanleg atvinnusköpun.*

Heimilt er að veita styrk til þess að aðstoða fyrirtæki við að skapa ný störf vegna nýrrar framleiðslu, enda sé það ekki talið fela í sér röskun á samkeppnisstöðu. Það er forsenda styrkveitingar að atvinnulausir einstaklingar séu ráðnir ótímabundið í störfin og styrkhafi skuldbindi sig til þess að viðhalda störfunum eftir að styrktímabil rennur út, í a.m.k. jafnlangan tíma og styrkur náði til. Stjórn Atvinnuleysisstryggingasjóðs er heimilt að endurkrefja styrkhafa um styrk ef þessum skilyrðum er ekki fullnægt.

#### 8. gr.

Verkefni sem ella væru ekki framkvæmd í launaðri vinnu.

Heimilt er að veita íþróttafélögum, líknaarfélögum, skógræktarfélögum góðgerðarstofnunum, og öðrum sambærilegum aðilum styrk til að ráða atvinnulausan einstakling til starfa við verkefni sem ella væri ekki framkvæmt í launaðri vinnu.

#### 9. gr.

##### *Starfsþjálfun og skiptistörf.*

Heimilt er að veita styrk til þess að ráða mann af atvinnuleysissskrá í starfsþjálfun þar sem fræðsla og vinna er samþætt enda feli ráðning hans í sér aukningu á starfsmannafjölda. Enn fremur er heimilt að veita styrk til þess að ráða mann af atvinnuleysissskrá til þess að leysa af fastan starfsmann sem fengið hefur launað leyfi til endurmenntunar eða til þess að sinna nýsköpun fyrir atvinnulífíð, enda sé starfsmanni ekki tryggður réttur til endurmenntunar í kjarasamningi.

## III. KAFLI

**Ráðningar- og starfskjör.**

## 10. gr.

Það er skilyrði fyrir styrkveitingu að ráðningar og kjör starfsfólks séu í samræmi við gildandi kjarasamninga. Að jafnaði er ekki heimilt að veita styrki til að ráða sama starfsmann til lengri tíma en sex mánaða í sama eða sams konar verkefni.

Við ráðningu skal gerður skriflegur samningur milli starfsmanns og styrkhafa. Ef styrkveiting er til þriðja aðila skal sveitarfélag vera aðili að slíkum samningi. Í samningi skal kveðið á um ráðningar- og starfskjör. Í honum skal vera lýsing á verkefnum starfsmanns og kveðið á um þá leiðsögn og fræðslu sem hann á rétt á. Afrit samnings skal sent skrifstofu Atvinnuleysistryggingasjóðs.

Starfsmanni er skylt að tilkynna skrifstofu Atvinnuleysistryggingasjóðs ef framkvæmd verkefnis er ekki í samræmi við ákvæði samnings.

## IV. KAFLI

**Umsóknir og meðferð þeirra.**

## 11. gr.

*Umsóknarfrestir.*

Styrkjum er úthlutað þrisvar á ári. Umsóknir skulu hafa borist skrifstofu Atvinnuleysistryggingasjóðs fyrir 15. febrúar vegna fyrstu úthlutunar, fyrir 1. maí vegna annarrar úthlutunar og fyrir 15. september vegna þriðju úthlutunar. Heimilt er að víkja frá þessum frestum, ef sérstakar ástæður mæla með því.

Sveitarfélög skulu hafa milligöngu um að koma umsóknum frá þriðja aðila á framfæri við skrifstofu sjóðsins, sbr. 2. tölul. 1. mgr. 3. gr.

## 12. gr.

*Upplýsingar og gögn sem fylgja skulu umsókn.*

Með umsókn skulu fylgja sem nákvæmastar upplýsingar um fyrirhuguð verkefni, svo sem kostnað við þau, markmið þeirra og væntanleg áhrif þeirra á atvinnuástand í sveitarfélaginu og á atvinnumöguleika hins atvinnulausa. Fjárhagsáætlun sveitarfélags fyrir árin 1996-97 skal enn fremur fylgja, ásamt nýjustu upplýsingum um atvinnuleysi í sveitarfélaginu samkvæmt atvinnuleysisskráningu.

Umsókn um styrk vegna afleysingar, sbr. 9. gr., skulu fylgja upplýsingar um kjör starfsmanns í launuðu leyfi og tilgang leyfis.

Umsækjendur um styrki skv. 6. og 7. gr. skulu gefa yfirlýsingu um þá ríkisaðstoð sem þeir hafa notið á síðastliðnum þremur árum, sbr. EES-reglur um ríkisaðstoð.

## 13. gr.

*Umsagnarnefnd.*

Áður en umsóknir eru lagðar fyrir stjórn Atvinnuleysistryggingasjóðs skal nefnd sem skipuð var samkvæmt yfirlýsingu Sambands íslenskra sveitarfélaga og félagsmála- og fjármálaráðherra frá 12. desember 1994, fjalla um umsóknir og gefa umsögn um þær.

Nefndin skal undirbúa afgreiðslu umsókna í hendur stjórnarinnar. Hún skal sjá um að afla viðbótarupplýsinga og -gagna frá sveitarfélögum, ef þörf er á, og getur beint tillögum og ábendingum til þeirra.

Nefndin skal sjá um að notuð séu sérstök stöðluð umsóknareyðublöð og form fyrir samninga skv. 2. mgr. 10. gr.

## 14. gr.

*Afgreiðslutími.*

Hraða skal umfjöllun og afgreiðslu styrkumsókna svo sem kostur er.

Að jafnaði skal umsókn lögð fyrir stjórn Atvinnuleysistryggingasjóðs til afgreiðslu eigi síðar en tveimur vikum eftir að frestur til að leggja fram umsókn rann út.

## 15. gr.

*Meðferð stjórnar og staðfesting ráðherra.*

Þegar stjórn Atvinnuleysistryggingasjóðs hefur afgreitt umsóknir af sinni hálfu skal hún leggja tillögu sína um styrkveitingar fyrir félagsmálaráðherra til staðfestingar.

Þess skal freistað að ná samstöðu innan stjórnarinnar um afgreiðslu umsókna.

Nú verður ágreiningur í stjórninni um afgreiðslu umsóknar og skal þá í tillögu til ráðherra gera grein fyrir hvernig atkvæði féllu og rökstuðningi fyrir atkvæðum.

Félagsmálaráðherra skal að jafnaði innan viku frá því að tillaga um afgreiðslu barst frá stjórninni staðfesta tillöguna eða hafna henni.

## V. KAFLI

**Eftirlit með framkvæmd verkefna.**

## 16. gr.

*Gögn og upplýsingar.*

Þegar verkefni hefst skal sveitarfélag senda tilkynningu þar að lútandi til skrifstofu Atvinnuleysistryggingasjóðs. Tilkynningu skal fylgja listi með nöfnum fólks á atvinnuleysisskrá, ásamt upplýsingum um hversu lengi það hefur verið á skrá og skýringum á því hvers vegna þeir sem lengst hafa verið á skrá fá ekki störf við verkefni, ef við á. Einnig skulu fylgja upplýsingar um þá sem hafnað hafa þátttöku í verkefni með viðeigandi skýringum og gögnum, svo sem læknisvottorðum. Afrit samninga skv. 2. mgr. 10. gr. skulu fylgja. Eftir að þessar upplýsingar hafa borist greiðist styrkfjárhæð með mánaðarlegum greiðslum eftir á þann tíma sem verkefnið stendur yfir.

## 17. gr.

*Hlutverk umsagnarnefndar.*

Nefnd skv. 13. gr. skal hafa eftirlit með því að framkvæmd verkefnis sé í samræmi við forsendur styrkveitingar og getur hún að eigin frumkvæði óskað eftir nauðsynlegum upplýsingum og gögnum.

Komi í ljós að framkvæmd verkefnis sé á einhvern hátt ekki í samræmi við forsendur styrkveitingar skal nefndin tilkynna það stjórn sjóðsins sem er heimilt að stöðva greiðslu styrksins. Jafnframt getur það, samkvæmt ákvörðun stjórnarinnar, haft áhrif á framtíðarstyrkveitingar til átaksverkefna á vegum sama aðila.

## 18. gr.

*Reikningshald.*

Kostnaður við verkefni skal færður sérstaklega og haldið aðskildum frá öðrum kostnaði hjá viðkomandi sveitarfélagi eða þriðja aðila.

Stjórn Atvinnuleysistryggingasjóðs er heimilt að óska eftir því að Ríkisendurskoðun endurskoði bókhald þeirra verkefna sem unnin eru með styrk samkvæmt reglum þessum.

19. gr.

*Greinargerð um framkvæmd.*

Innan fjögurra vikna frá því að verkefni lýkur skal sveitarfélag senda skrifstofu Atvinnuleysistryggingasjóðs greinargerð um framkvæmd verkefnis sem unnið er hjá sveitarfélagi eða á ábyrgð þess. Þar skal sérstaklega láta koma fram áhrif verkefna á atvinnuástand í hlutaðeigandi sveitarfélagi.

Stjórn Atvinnuleysistryggingasjóðs er heimilt að stöðva greiðslur, eða synja frekari umsóknum frá sveitarfélögum sem ekki sinna skýrslugerð skv. 1. mgr.

## VI. KAFLI

**Lokaákvæði.**

20. gr.

Reglur þessar, sem settar eru með stoð í V. ákvæði til bráðabirgða í lögum um atvinnuleysistryggingar, nr. 93/1993, með síðari breytingum, sbr. 13. gr. laga um ráðstafanir í ríkisfjármálum á árinu 1997, nr. 140 öðlast þegar gildi.

*Ákvæði til bráðabirgða.*

Þegar eftir gildistöku þessara reglna skal skrifstofa Atvinnuleysistryggingasjóðs hlutast til um að vinnumiðlanir kynni hlutaðeigandi aðilum þær. Sérstaklega skal vekja athygli á umsóknarfrestum, sbr. 11. gr.

*Félagsmálaráðuneytinu, 20. desember 1996.*

F. h. r.

**Húnbogi Þorsteinsson.****REGLUGERÐ**

**um breytingu á reglugerð um ökukennslu, próf ökumanna o.fl.,  
nr. 787 13. desember 1983.**

1. gr.

Á eftir 1. mgr. 1. gr. komi tvær nýjar málsgreinar, svohljóðandi:

Umsækjandi skal hafa fasta búsetu hér á landi eða hafa dvalið hér við nám í a.m.k. sex mánuði. Með fastri búsetu er átt við þann stað þar sem hlutaðeigandi býr að jafnaði, þ.e. í a.m.k. 185 daga á hverju almanaksári, vegna persónu- eða atvinnutengsla eða, ef um er að ræða þann sem hefur engin atvinnutensl, vegna persónulegra tengsla sem sýna hið nána samband milli hlutaðeigandi og staðarins þar sem hann býr.

Engum er heimilt að hafa undir höndum ökuskírteini frá meira en einu ríki sem er aðili að Evrópska efnahagssvæðinu.

2. gr.

Í stað „vörubifreiða“ í 1. mgr. 13. gr., sbr. reglugerð nr. 202/1993, komi: bifreiða, annarra en hópibifreiða.